



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Natales Sanctorvm Belgii, & eorundem Chronica
Recapitvatio**

Molanus, Johannes

Dvaci, 1616

Decima nona Decembris.

urn:nbn:de:hbz:466:1-9477

Dicima octaua Decembris.

De sancto VVunibaldo.

VIde septimo Iulij: vbi fratri sancto Bilbaldo adiungitur.

Decima nona Decembris.

De sancto Megengoso, Geldriæ præfecto.

Ex Geldriæ Chronicis, historia sanctæ Adelheidis per Bertradam, & responso D. Petri Rady.

IN Vilika , depositio sancti M E G E N G O S I confessoris. De quo in Chronicis Geldriæ scribit Iaspar de Hartevelt , Canonicus Grauiensis; Legitur quod tempore Othonis tertij fuerit Megengosus Comes Geldriæ, qui instituit monasterium Vilicense, ex opposito Bonnæ, & multis possessionibus hæreditauit, ibique sepultus est, anno millesimo primo, & canonizatus. Item Henricus Aquilius. Vichardus secundus, quartus, ait, præfetus Geldriæ, coniuge m habuit filiam Comitis Zutphaniensis, ex qua genuit filium Mengosum, qui patre mortuo publicis suffragijs in præfectura successit. Pulcherrima huius præfeti stratagema ta lector in chronicis Geldriæ consideret: vbi singula prolixè commonstrantur. Fuisse autem illum insigni pietate præditum accepimus . Condidit monasterium *Vilich*, non procul à Bonna oppido, in ducatu Bergensi. Vbi & sepultus est anno Imperij vigesimo octavo.

Sed vt ad antiquiora & digniora veniam, encomia eius non tacuit Bertrada virgo, in historia sanctæ Adelheidis, primæ abbatissæ Vilecensis.

Scribit enim hanc sanctam virginem parentes habuisse Megengorem illustrem Comitem, & Gerburgam ducis Godefridi filiam, ea tempestate magni & incomparabilis viri: qui cum essent mundi huius amplissimis aucti honoribus, etiam coram Deo conati sunt virtutum se studiosos exhibere. Cumque filius, eiusdem cum auo materno nominis in exercitu Imperatoris aduersus Boemos cecidisset, & cadaver difficulter quidem sed honorifice in patriam deportaretur, parentes reliquentes praeterire figuram huius mundi, & toto pectore celestem ac sempiternam patriam suspirantes, honorum omnium quae erant Godefridi filij, Deum heredem instituerunt, ut eius anima caelestis paradisi hereditate potiretur. Enimvero e fundamentis excitarunt in Vilika templum venerabile, praedijsque & mancipijs illud ditarunt: atque inter se sani & incolumes mutuo consensu decreuerunt pro Christi amore communis tori nescire commercia. Quo in loco permanxit Gerburga, nocte ac die vacans orationibus, ita ut non immerito possit anteponi illis viduis quas continentiae meritum Apostolus vocat vere viudas. Vedit etiam collectam sanctorum virginum multitudo hem sub filia sua Adelheide. Cumque monasterium a duobus Imperatoribus Othono tertio & Henrico multa libertate donatum esset, non multo post pia mater rebus humanis exenta est, illo donanda beatitudinis proximo quod Dominus in Euangelio vigilanti seruo promittit. Maritus vero qui, utpote princeps, mundo specie tenus inservire cogebatur, post triennium cunctis bonis ex gratia Dei auctus in loco qui Gelre dicitur migravit: & ab Adelheidie filia Vilicæ est honorifice

Tim. 5.

Luc. 12.

norifice apud coniugem tumulatus. Idem autem ipse postea apparetis cuidam eius monasterij sorori dixit: Megengor ego dictus sum cum me corporis grauaret moles: at nunc vocabulo in melius commutato Megengaudius vocor, quandoquidem gaudijs fruor sempiternis. Hactenus ex Bertrada.

Plura vero de eo expetens ex Bonna responsum accepi, sancti Megengosi siue Megengaudij, a vulgo Mengo dicti, fundatoris Vileensis ecclesiae, & patris sanctae Aelheidis virginis & primae ibidem abbatissae festum diem siue natalem non celebrari, sed unicum eum habere suffragium, & unicam collectam in die sanctae Aelheidis. Et similiter aliás ter aut quater annuè, ad placitum Canonicarum & Canonicorum. Epitaphium ad sepulcrum excisum est in arcu deaurato,

Regum dulcis amor, patriæ pater, altor egentū,

Ecce Megengaudus hic tumulatus inest.

Scit seruare fidem diuino Gerbirga marito,

Quam mors non separat coniugis à gremio.

Hoc templum proprijs struxerūt ruribus ambo,

Felices quorum prædia præda Dei.

Cum quartus decimus sol voluitur ante horizontem

Ianum, tunc senior raptus ad astra fuit.

Die vigesima prima Decembris.

De S. Thoma Germanorum apostolo.

Sententia Wilb. Lindani episcopi primum Rurmondensis, postea Gandensis.

Natus beati Thomæ Apostoli. Qui Parthis & Medis Euangelium prædicans, passus est

M m 4 in In-